



CONGREGATIO DE CULTU DIVINO
ET DISCIPLINA SACRAMENTORUM

Adnexus decreto diei 26 ianuarii 2021, Prot. N. 35/21

**Variationes et additiones in Libris liturgicis Ritus Romani
de memoria sanctorum Marthæ, Mariæ et Lazari**

IN CALENDARIUM ROMANUM GENERALEM

IULIUΣ

29 Ss. Marthæ, Mariæ et Lazari

Memoria

IN MISSALE ROMANUM

Die 29 iulii

Ss. Marthæ, Mariæ et Lazari

Memoria

ANT. AD INTROITUM

Cf. Lc 10, 38-39

Intrávit Iesus in quoddam castéllum,
et múlier quædam Martha nómine excépit illum in domum suam.

COLLECTA

Deus, cuius Fílius
de sepúlcro ad vitam Lázarum revocávit,
et in domo Marthæ dignátus est hospitári,
da nobis, quæsumus,
ut ipsi in frátribus nostris fidéliter ministrántes,
cum María verbi eius meditatióne pasci mereámur.
Qui tecum.

SUPER OBLATA

In beátis tuis te, Dómine, mirábilem prædicántes,
maiestátem tuam supplíciter exorámus
ut, sicut eórum tibi gratum exstitit caritatis obséquium,
sic nostræ servitútis accépta reddántur officia.
Per Christum.

ANT. AD COMMUNIONEM

Cf. Io 11, 27

Dixit Martha ad Iesum:
Tu es Christus, Fílius Dei vivi,
qui in hunc mundum venísti.

POST COMMUNIONEM

Cóporis et Ságuinis Unigéniti tui sacra percéptio, Dómine,
ab ómnibus nos cadúcis rebus avértat,
ut exémplo beatórum Marthæ, Maríæ et Lázari,
valeámus et sincéra in terris caritáte proficere,
et tui perpéta in cælis visióne gaudére.
Per Christum.

IN ORDINEM LECTIONUM MISSÆ

607

Die 29 iulii
Marthæ, Mariæ et Lazari

mo

IN LITURGIAM HORARUM

Die 29 iulii
Ss. Marthæ, Mariæ et Lazari
Memoria

Martha, Maria et Lazarus germani erant; Bethaniæ cum hospitio Dominum excepissent, ei diligenter Martha ministravit et Maria eum pie audivit atque suis orationibus resurrectionem fratris impetraverunt.

De Communi sanctorum.

Ad Officium Lectionis

HYMNUS

Te gratulántes pángimus,
Martha, cum tuis frátribus,
quæ meruísti sæpius
Christum domi recípere.

Tantum libénter hóspitem
curis ornábas sédulis,
in plúrima sollícita
amóris dulci stímulo.

Pascis dum læta Dóminum,
María atque Lázarus
possunt ab illo grátiæ
vitæque cibum súmere.

Captúro mortis trámitem
dante soróre arómata,
extrémi tu servítii
vigil donásti múnera.

Iesu felíces hóspites,
corda nostra accéndite,
ut illi gratæ iúgiter
sint sedes amicítiae.

Sit Trinitati glória,
quæ nos in domum cælicam
admítti tándem tríbuat
vobíscum laudes cánere. Amen.

LECTIO ALTERA

Ex sermónibus sancti Bernárdi abbátis

(*Sermo 3 in Assumptione beatæ Mariæ Virginis, 4. 5: PL 183, 423. 424*)

In domo nostra tria ministeria distribuit ordinatio caritatis

Considerémus, fratres, quemádmodum in hac domo nostra tria hæc distribúerit ordinatio caritatis: Marthæ administratióinem, Mariæ contemplatióinem, Lázari pæniténtiam. Habet hæc simul quæcúmque perfécta est áнима; magis tamen vidéntur ad síngulos síngula pertinére, ut állii vacens sanctæ contemplatióni, állii dediti sint fraterñæ administratióni, állii in amaritúdine ánimæ suæ recógitent annos suos, tamquam vulneráti dormiéntes in sepúlcris. Sic plane, sic opus est, ut María pie et sublímiter séntiat de Deo suo, Martha benígne et misericórditer de próximo, Lázarus mísero et humíliter de se ipso.

Gradum suum quisque consíderet. *Si invénti fúerint in civitáte hac Noe, Dániel, Iob, ipsi iustitia sua liberabúntur, ait Dóminus: sed filium aut filiam non liberábunt.* Némini nos blandímur, útinam nec vestrum quíspiam se sedúcat! Quibus enim nulla crérita est dispensatió, administratió nulla commíssa, his omníno sedéndum erit, aut secus pedes Iesu cum María, aut certe cum Lázaro intra septa sepúlcri. Quidni erga multa turbétur Martha, quæ sollícita est pro multis? Tibi vero cui nécessitas hæc non incúmbit, e duóbus unum est necessárium: aut non turbári pénitus, sed delectári magis in Dómino; aut, si id necdum potes, turbári non erga plúrima, sed, ut de se prophéta lóquitur, ad te ipsum.

Sed et ipsam quoque Martham admónitam esse necésse est, id máxime quæri inter dispensatóres, ut fidélis quis inveniátur. Erit autem fidélis, si neque quæ Iesu Christi, ut sit inténtio pura; nec suam fáciat, sed Dómini voluntátem, ut sit áctio ordináta. Sunt enim quorum non simplex est óculus, et recipiunt mercédem suam. Sunt qui ferúntur própriis móribus animórum, et contamináta sunt univérsa quæ ófferunt, quippe cum voluntátes eórum inveniántur in eis.

Veni nunc mecum ad nuptiale carmen, et consideremus quemadmodum sponsus, ubi sponsam vocat, nec ullum omiserit ex his tribus, nec his addiderit quidquam. *Surge, inquit, prope, amica mea, formosa mea, columba mea, et veni.* An non amica est, quae Dominicis lucris intenta, fideleriter ipsam quoque pro eo ponit animam suam? Quoties enim pro uno ex minimis eius spirituale studium intermitit, toties pro eo spiritualleriter ponit animam suam. An non formosa, quae revelata facie gloriam Domini speculando, in eandem imaginem transformatur de claritate in claritatem, tamquam a Domini Spiritu? An non columba, quae plangit et gemit in foraminibus petrae, in cavernis maceriae, tamquam sepulta sub lapide?

RESPONSORIUM

Io 12, 3

R/. Postquam Iesus suscitavit Lazarum, fecerunt ei Bethaniæ cenam, * et Martha ministrabat.

V/. María ergo accépit libram unguenti prestiosi et unxit pedes Iesu. * Et Martha ministrabat.

Oratio, ut ad Laudes matutinas.

Ad Laudes matutinas

HYMNUS

Quas tibi laudes ferimusque vota,
nos tuis possint meritis iuvare,
Martha, quam mire sibi corde iungit
Christo amico.

Te frequens visit Dominus tuaque
in domo degit placida quiete
ac tuis verbis studiisque laetans
teque ministra.

Tu prior fratrem quereris perisse,
cumque Maria lacrimata multum,
aspicis vitae subita Magistri
voce redire.

Quae fide prompta stabilem fatēris
spem resurgendi, Domino probante,
imperata nobis cupide in perenne
pērgere regnum.

Laus Deo Patri, Genitoque virtus,
Flamini Sancto parilis potestas,
gloriam quorum pētimus per ævum
cérnere tecum. Amen.

Ad Benedictus, ant. Elevatis sursum oculis, voce magna Jesus clamavit: Lázare, veni foras!

Oratio

Deus, cuius Fílius de sepúlcro ad vitam Lázarum revocávit, et in domo Marthae dignátus est hospitári, da nobis, quás sumus, ut ipsi in frátribus nostris fidéliter ministráentes, cum María verbi eius meditatióne pasci mereámur. Qui tecum.

Ad Vespertas

HYMNUS, ut ad Officium lectionis.

Ad Magnificat, ant. Diligébat Iesús Martham et sorórem eius Mariám et Lázarum fratrem eius.

Oratio, ut ad Laudes matutinas.

IN MARTYROLOGIUM ROMANUM

Addi debet ad diem 29 iulii primo loco elogium quod sequitur:

Memória sanctórum Marthae, Maríæ et Lázari, germanórum, qui, spíritu familiári Dóminum Iesum domo Bethaniæ famulánter excepérunt, aperiéntes cómiter aures et corda in audiéndis verbis divínis super regno cælórum credéntes in illum, qui resurrectiōne mortem vicit.